

Krajinaz eztabaidatuko dute gaur bertako ordezkariak eta Kroaziakoek

Bihar Bosniaren hirutan banatzeko egitasmoaz ariko dira Geneban hiru aldeak

Emaizak bihar artean ofizialki zabalduko ez diren arren, inork ez du ezbaian jarri Krajinako serbiarrek erreferendumean subiranotasunaren alde emandako baietza zabala. Gaur bertan baina, NBE eta EK-ko bitartekariak Krajinako eta Kroaziako ordezkariak parez pare eserraraziko dituzte Bosniako etorkizuna baldintza dezakeen akordio bakezalea lortzeko asmotan.

GENEBA

Joan den apirilaren 6an Zagrebeko agintariek eta Krajinako 'errepublika' serbiarrek (Kroazia) ordezkariak euren arteko gatazkari amaiera emateko bake akordioa sinatu zuten arren, bihar mahai beraren inguruan eseriko dira seguruenik Goran Hadzic «errepublika» horretako lehen-dakari serbiarra eta Goiko Suzak Kroaziako Defentsa ministroa.

Europako Komunitateko eta Nazio Batuetako iturriak ez dira oso baikor agertu gaur Geneban egingo den bilera hauen emaitzaz, nahiz eta aurrez aurre negoziatzeari ekinez gero, Bosniaren etorkizunearan eragin handia izan dezaketen aurrerapausoak lor daitezkeela zehaztu zuten.

Atzo arratsaldean artean zailantzan zegoen bilera gauzatu ezinean geratuz gero ere, Slodoban Milosevic Serbiako lehen-



Biharko bileraren zain gatazkak baretu egin dira apur bat fronteant.

dakariak eta Franjo Tudjman Kroaziakoak Krajinako gaiari eutsi beharko diote etzi Geneban bertan egingo den hiru aldeko bileran.

Ez nazioarteko erakundeek ezta Belgradeko serbiarrek ere ez dute onartu larunbatean eta igandean Krajinan egindako galdeketa. Dena den, emaitzek oraindik gehiago korapilatuko dute dagoeneko guztiz nahastua dagoen egoera latza.

BOSNIA BANATZEKO PRESTAKETAK Krajinako arazoa eztabaidatzen ari diren bitartean, bihar egingo den bilera garrantzitsua prestatzen eman

dituzte ordu gehienak Bosniako gerran nahastuak dauden serbiar, kroaziar eta bosniarrek.


Igandean euren aldeek Genebako bileran aldarrikatuko dituzten eskualdeei buruz mintzatzeko bildu ziren Mate Boban Bosniako kroaziarren burua eta Radovan Karadzic serbiarrena. Biharko bilera garrantzitsuari buruz eztabaidatzeko musulmanena izan zen atzo txanda.

Bosnia hiru estatu federatutan banatu asmo duen egitasmoari Alija Izetbegovicek ezezko biritila eman zion arren, Sarajevoko Gobernu kolegiatuan aurkakoak ere sortu zaizkio Bosniako lehen-dakari musulmanari. Atzo gober-

nuak Zagreben egindako bileran Fikret Abdic Izetbegovicen arierio nagusiak Bosnia bake bidean jarriko duen egitasmo oro defendituko duela azaldu zuen.

Genebako bilera garrantzitsuaren zain, gerra fronteant erasoak baretu egin dira antza. Serbiarrek inguratuta daukaten Gorazden ere aspaldian ez bezalako lasaitasuna izan zuten. Ez zen hala ere, atzoko jarduna erasorik gabe burutu. Serbiarrek kontrolpean duten hiri handiengan, Banja Lukan, NATOko hegazkinak ametrailatu egin zituzten «hegal-di probokatzailak amorratutako herritarrek», Serbiako Armadak jakinarazi zuenez.

Nazio Batuen



Giza Eskubideei buruzko Konferentzia

Haurren eskubideen babesa exigitu du Unicefek

VIENA

Nazio Batuek onartutako Haurren Eskubideen Konbentzioari entzungor eginda, oso ugariak dira munduan gatzetxoek dituzten eskubide funtsezkoen aurka egiten diren bortxaketak. Unicefek (NBERen Haurren Laguntzarako Fondoa) guzti hauek salatu zituen atzo

Vienan egiten ari den Giza Eskubideei buruzko Konferentzian, eta egoera honi amaiera emateko beharrezko neurriak exigitu zituzten nazioarteari.

Atzo Vienan aurkeztu zen 'Munduko haurren egoera 1991n' txostenak haurren giza eskubideen aurkako bortxaketa larriak ezagutarazten ditu. Aspaldian atzean geratu zirela zi-

ruditen egoerek munduan zehar egunero-egunero jarraitzen dutela agerian utzi dute Unicefek atzo Giza Eskubideen Konferentzian atzo aurkeztutako datuek.

Jugoslavia ohiko gatazkan gertatzen ari den moduan, II. Mundu Gerraren ostean herritar zibilak izan dira gudetako biktima nagusiak, eta hildako 20 milioien artetik gainera, hurrek osatzen dituzte zenbakirik altuenak. Soldadu gisa aritzen diren haurren kasuak ere biltzen ditu txostenak eta hauen artetik euren sendiartekoak hiltzera behartu edota erasoetan ezkutu gisa erabili dituztenak badiela salatzen du, «erokeria honi amaiera eman beharra» dagoela

gaineratu aurretik.

Unicefen datuen arabera, garapen bidean dauden herrialdeetako egoera are okerragoa da, gerrari, lehortek, goseteak eta bestelako hondamendi naturalek eragindako sarraskiak gehitu behar baitzaizkio.

Baina ez dira gerra egoerakoak haurren giza eskubideak noiz-nahi bortxatzen diren egoera bakarrak. Brasilen esaterako, 3.000 neskato dira saldu ostean prostituzioan aritzera behartuak daudenak. Latinamerikan, 5 urtetik behere 114 haur hiltzen dira orduero munduko herri garatuatan guztiz sendagarriak diren gaitzek jota, eta desnutrizioa kronikoa da Latinamerikaz gain mundu osoko beste herrialde askotan.

LABURREAN

ARMADAREN

agintea banatu egingo dute Kanputxean

Behin-behineko gobernu koalizioa osatzen duten Funcipec alderdi monarkikoak eta Kanputxea Herriko Alderdiak Armadako agintea ere elkarrekin banatzea erabaki berri dute, atzo Phon Penhen zabaldu zenez. Orain artean Armadaren agintea Kanputxea Herriko Alderdiak kontrolatu izan du osotara ●

GALIRI eskutitz

bat zuzendu dio FMLNk

El Salvadorreko FMLN gerrilari talde ohiak Butros Gali Nazio Batuetako idazkari nagusiari eskutitz bat bidali dio azken asteburuan entregatzeko falta zaizkien armak nola utziko dituzten azaltzeko asmotan. Galik igandera arteko epea eman zion orain talde politikoa denari, bake akordioak exigitzen duen moduan gerra material guztia NBEko indarren eskuetan utz zezaten ●

HAZKUNDE tasak

gorantz doa Indonesian

Indonesiak 267 milioitik gora herritar izango ditu 2020 urtean, bertako Gobernuak atzo zabalduetako txostenak dienez. Egun, 187 milioi biztanle ditu herrialde honek, eta jaiotze tasa 1,9tik 1,7ra jaitsi den arren, Indonesiak hazkunde izugarriari egin beharko dio aurre oraindik. Herrialde honek gainera, erditzeko momentuan izandako heriotza tasarik altuena du Asia guztiko herrialdeak kontuan hartuz gero ●

LAU lagun hil dira Perun izandako borroketan

Tupac Amaru Mugimendu Iraultzaileko hiru gerrilari eta Peruko Armadako sarjentu bat hil ziren igandean Cajamarca departamenduan izandako enfrontamenduan. Poliziako iturrien arabera, San Jose herriaren aurka eraso egin zuten gerrilariak eta Armadako sarjentua hil ziren bertan ●



HEGOALDE
euskaltegia

IKASTARO TRINKOAK Uztailen
5 ordu egunean. Urrats guztiak

Florida 58, behea

Tf.: 28 41 96

01005 GASTEIZ